

1909

年

第

卷

2191

期

第

2200

# 北洋官報

目錄

宮門抄  
上諭

奏議 ○禮部奏神牌升附 太廟位次摺 △度支部奏核  
明金銀庫各款摺 △考察憲政大臣于奏請續假摺  
公牘 ○督憲札二件 △滄州稟一件 △浙藩移一件  
文告五則 △電報六則 △新聞十三則  
彙編 ○上海自治醫學規則 △世界教育公會簡章  
附錄 ○京西湯山圖

本局報今百日加印政學報現已出版

## 直隸諮議局議員暨全省士民注意

督憲札發召集諮議局臨時會常年會告示 為照章召集先期諭告事案查 憲政編查館會奏  
各省諮議局章程內開諮議局會議期分常年會及臨時會二種均由督撫召集常年會每年一次  
自九月初一起至十月十一日止臨時會於常年會期以外遇有緊要事件經督撫之命令均得召  
集各等因本年九月初一日為諮議局開辦之期所有議長副議長及常駐議員互選細則暨議事  
規則旁觀規則并辦事處辦事細則照章係由諮議局議定其書記長書記係由議長選請督撫委  
派均應先期準備庶屆正式開會乃有軌轍可循查本省諮議局議員等業經舉定本部堂應照章  
召集議員自九月初一日起齊集天津諮議局議場舉行開會禮式其先期準備各事均關緊要本  
部堂并定於八月十六日召集諮議局臨時會應令各議員屆時齊集議場照諮議局章程第十條  
第三項投票選舉假定義長一人副議長二人暫行提前按章準備以俟九月初一日召集諮議局常  
除咨呈 憲政編查館查照并飭籌辦處預備議場外所有九月初一日召集諮議局常年會并先  
期於八月十六日召集臨時會各事宜仰諮議局議員暨全省士民人等一體遵照特諭

## 宮門抄

七月二十八日 禮部 學部 正紅旗值日 榮中堂假滿請 安 烏珍因伊弟得保獎謝 恩 意

公守護 東陵謝 恩 出使大臣張蔭棠請 訓 葵公請假十日 延伯續假十日 植公續

假十五日 禮部奏請換戴暖帽日期奉 旨著於八月十九日 召見軍機 意公 榮中堂 張蔭

棠 張蔭棠遞封奏二件 蕭丙炎遞封奏一件

諭

七月二十八日內閣奉

上諭協辦大學士榮慶著加恩在紫禁城內賞坐二人肩輿欽此

奏議錄要

禮部奏 孝欽顯皇后神牌 升 太廟 奉先殿位次摺 升 太廟並同日舉行

奏為請 旨事恭照本年十月初九日午時 升 太廟 孝欽顯皇后神牌 升 太廟

升 升 前殿繼升 寢室 前殿位次惟 列 升 太廟 孝慈高皇后並居中位以下左

昭右穆 帝位以中為上 后位依次排列 寢室位次 太祖高皇帝 升 太祖高皇帝居中左位

慈高皇后居中右位 太宗文皇帝 世祖章皇帝 后位分居左右 世宗憲皇帝 高宗純皇帝

宗睿皇帝皆 后位二 帝位居中 后位依次分居左右 今 聖祖仁皇帝 宣宗成皇帝皆

太廟 奉先殿 后位惟三初升 前殿謹擬安奉於 孝欽顯皇后之神牌 升 孝欽顯皇后之神牌

室謹擬恭請 文宗顯皇帝神牌居中左位 孝德顯皇后神牌居中右位 孝貞顯皇后之神牌 升 孝貞顯皇后之神牌

次左位 孝欽顯皇后神牌居次右位所有臣等謹擬 孝欽顯皇后神牌 升 孝貞顯皇后之神牌

有當伏乞 旨依議欽此

皇上聖鑒為此謹 奏宣統元年七月十七日奉 旨依議欽此

度支部奏核明金銀庫五月分收支各款摺 諭旨接管三庫以來所有金銀庫收支款目均照向章按月核

奏為核明金銀庫本年五月分收支各款照章開報恭摺仰祈 聖鑒事竊查金銀庫收支款目向章按月開單

奏報一次自光緒二十八年四月臣部欽遵 諭旨接管三庫以來所有金銀庫收支款目均照向章按月核

明開單具奏在案今核明本年五月分收支款目繕具清單跟接奏陳伏乞

皇上聖鑒謹 奏宣統元年六月十七日奉 旨知道了欽此

謹將金銀庫本年五月份收支各款數目繕具清單恭呈 御覽 計開 銀兩項下 舊管部庫各款庫平銀

三百十五萬七百八十二兩二錢六分二釐五毫 新收部庫各款庫平銀一百四十一萬五千九百八十八兩八分五毫

開除共放部庫各款庫平銀一百四十一萬一千二百四十六兩九分八釐六毫 實存部庫各款庫平銀三百

十五萬四千六百二十六兩二錢四分四釐四毫 (內發交臣部漢口銀行生息銀三十萬兩太原銀行生息銀十

萬兩) 金兩項下 舊管庫平金八千七百九兩七錢一分 新收無項 開除無項 實存庫平金八千七百

九兩七錢一分 銀圓項下 舊管庫平銀圓二萬四千四百四十三兩六錢三分八釐 新收無項 開除無項

實存庫平銀圓二萬四千四百四十三兩六錢三分八釐 銀幣項下 舊管銀幣二百二十五萬圓 新收無

項 開除無項 實存銀幣二百二十五萬圓 銅圓項下 舊管銅圓一百十萬二千五百三十圓折合庫平銀

七千九百三十八兩二錢一分六釐 新收銅圓七萬八千八百五十五圓 開除銅圓一千五百九十一圓 實

存銅圓一百十七萬九千七百九十四圓折合庫平銀八千四百九十四兩五錢一分六釐八毫 新錢項下 舊

管一文新錢五十二萬九千一百五十文 新收無項 開除無項 實存一文新錢五十二萬九千一百五十文

寄存練兵經費專款 舊管庫平銀一百十五萬六千七百六十五兩一錢八分六釐九毫 新收庫平銀四萬

兩 開除共放庫平銀四十八萬六千四百兩 實存庫平銀七十一萬三千六百五十五兩一錢八分六釐九毫 (內

發交臣部銀行生息銀十萬兩) 土藥統稅專款 舊管庫平銀六百三十九萬七千四百三十三兩八錢二分六釐

六毫 新收庫平銀八十六萬兩 開除無項 實存庫平銀七百二十五萬七千四百三十三兩八錢二分六釐六

毫 (內發交臣部銀行生息銀九十萬兩) 鹽斤加價專款 舊管庫平銀三萬五百五十兩 新收庫平銀八萬

八千九百四十六兩一錢七分四釐一毫 開除無項 實存庫平銀十一萬九千四百九十六兩一錢七分四釐

一毫 禁衛軍餉專款 舊管無項 新收庫平銀七萬六千二百五十六兩六錢四分 開除無項 實存庫平

銀七萬六千二百五十六兩六錢四分 另存 順天府備荒經費庫平銀十五萬五千八百六十八兩一錢八分

三釐三毫 (仍存臣部銀行生息) 部庫兌收專備奉賑捐款庫平銀七萬六千九百五兩 造幣總廠銅圓餘利

庫平銀十萬四千一百三十二兩六分二釐四毫  
銀行官利餘利庫平銀三十八萬四千六兩九錢九分八釐三毫（上月原存銀四十萬八千十五兩二釐五毫除開放本部公費銀二萬四千八兩四釐二毫外實存銀三十八萬四千六兩九錢九分八釐三毫）  
農工商部移交原存生息款項庫平銀二十五萬兩規平銀十五萬兩（原交券據存庫）  
提撥鼓鑄銀幣專款  
庫平銀三百六萬五千七百二十兩  
由洋款餘存提撥庫平銀一百十萬兩  
接收財政處移交由部提撥庫平銀一百萬兩  
接收財政處移交通商銀行存本繳還規平銀八十萬兩  
接收財政處移交生息項下支用餘存京平銀十二萬四百十三兩八錢三分三毫  
以上五款存部庫銀三百六萬五千七百二十兩其餘四款均存臣部銀行及各號商生息

考察憲政大臣于式枚奏籲懇續假摺

奏為微臣假期屆滿患病未痊籲懇  
天恩續假調理恭摺仰祈  
聖鑒事竊臣於六月初五日具報行抵上海日期並以足疾未愈電請軍機處代奏請假調理初六日欽奉電傳  
諭旨著賞假一個月欽此捧讀之下感

悚交繁臣此次東歸本係扶疾而行迫於程期失於調養鐵路輪舟三十餘日正逢夏令經過紅海南洋羣島一帶均係著名炎蒸之地感受暑熱牽動積溼觸發增劇困頓不支匝月以來右足腫痛雖漸減輕猶不能受鞢履非有所扶倚即艱於動移伏念臣遠役兩年得還中土瞻戀  
京闕魂夢遄飛乃以宿疾淹纏不能剋期就道譯述各稿堆積盈几亟應續行奏報亦不得及時整理五中焦急媿疚莫名惟有籲懇  
天恩俯准續假一個月趕緊調理現屆秋令涼爽溼氣漸除冀得早日就痊即當北上不敢少有滯滯理合恭摺陳請伏乞  
皇上聖鑒訓示謹  
奏宣統元年七月十六日奉  
硃批著再賞假一個月欽此

公牘錄要

督憲端准郵傳部咨順德電局所轄南北兩路電綫復修告成札飭所屬出示保護文

為札飭事官統元年七月十二日准  
郵傳部咨電政司案呈據電政局稟據順德局員龐建瀛稟稱粵局南北兩路綫杆割鋸之案層見疊出三年之間不下二十餘次南轄磁州界內尤多每有案出一面趕修一面函請該管地

方官緝拏然至今未經破獲一案遇有巡丁查獲送縣亦不嚴辦因之匪膽愈張毫無顧忌最難防者偷竊之時每在深夜及連夜飭派工巡跟緝早已遠颺此風非地方官懸禁飭捕認真拏辦一二次斷不能息現在新綫垂成比老綫加多數綫且有京漢直達綫路尤關緊要此等匪徒視偷竊綫杆直爲習慣之利益見此新綫新杆必更生心不可不慮所有南北兩路經由邢台沙河永年邯鄲磁州內邱等六屬境內應請轉咨直隸督憲札飭各該州縣隨時切實保護并聲明前北洋大臣李奏定竊毀杆綫治罪專條出示嚴禁以儆刁風而維電政等情稟請轉咨前來查電報關係軍國要政竊毀杆綫例有治罪專條地方官承緝不力亦有應得處分此次順德局所轄南北兩路杆綫屢被竊割自應嚴緝重辦以維要政相應咨請貴督轉飭該州縣認真查拏務獲究辦并希見覆可也等因到本大臣准此查電綫最關緊要稍有損壞貽誤事機實非淺鮮各屬竊毀杆綫之案雖已迭經飭令嚴緝究報難免日久懈生應行藩臬兩司通飭各屬嗣後凡有此等案件務即認真嚴緝重辦不得稍涉玩延并查照李前部堂奏定竊毀杆綫治罪專條出示嚴禁仍隨時妥爲保護以重電政其緝捕不力之地方官應如何嚴定考成并由該司詳細核議具覆至被竊杆綫并候分飭各該州縣分別查明勒限嚴緝各案職賊務獲從嚴懲辦以儆效尤仍將緝獲情形具報核咨除飭遵分行外合行札飭札到即便遵照辦理具覆核咨此札

督憲端據大城縣沈令裕崑詳設立葦蓆公司有碍民生咨請農工商部查照文

爲咨明事據署大城縣知縣沈裕崑詳稱案蒙前憲台楊札開爲札飭事四月十三日准 農工商部咨開宣統元年四月初一日據職商朱鴻業葉崑稟稱擬在大清河一帶任邱安州文安大城等處設立招商旅棧公司銷售蘆葦蓆片籌集股本懇准立案註冊等情前來所稟各節於該處情形是否屬實開設行棧於小民生計有無妨碍相應抄錄原文咨行查明見覆以憑核辦可也等因到本大臣准此除分行外合行札飭札到該縣即便查明具覆以憑核咨此札等因并蒙抄單下縣蒙此卽諭飭王口鎮紳董等將開設旅棧公司於地面小民有無妨碍逐一查明稟覆去後茲據王口鎮巡警局董五品頂戴舉人張敬銘五品藍翎監生王立政五品頂戴附生王淑湘五品頂戴增生王維銘兩等小學堂長翰待詔增貢生王紹銘等聯名稟稱稟爲據情轉詳事查王口鎮本係陸地不產蘆葦向無葦草牙紀今若在王口鎮添設蘆葦蓆片公司其大有妨碍者計有三端王口鎮自乾隆年間設立蘆市棧

沿至今貧民織蓆之家概不出用此外牙行棧費及加捐學堂經費等項俱出在買客統計抽用不過八釐今朱商等創爲二分三分之說客商必至因花費太重裹足不前則集市之滯消指日可待是有碍於地面者一王口鎮左近數十村莊之貧民男女老幼終年胼手胝足不憚勞瘁俱以織蓆爲糊口之資若因增用而蓆片滯消則貧民必至失業是有碍於民生者二學堂爲培植人材之地城內王口鎮兩處學堂俱依王口市爲的款倘朱商等接辦不特利權外溢則學款由何而出是有碍於學務者三此設立蘆葦蓆片公司有碍於地面民生學務之實在情形也理合將查明情形稟請據情轉詳前來據此卑縣覆查無異擬合具文據情詳覆憲台核咨等情到本大臣據此相應咨明 貴部請煩查照

滄州萬牧和寅稟捷地減河南北岸民堤漫口現在趕緊堵築文並批

敬稟者竊查本年六月二十八九等日運河水勢陡長堤岸危險異常當經卑職照章啓壩放水具文稟明在案一面飛飭管河風化店巡檢唐鴻鈞督飭減河兩岸村莊民夫認真防護堤岸力保無虞間有險要之處無不竭力堵不意七月初一二等日上游運河水勢日長水湧溜急以致減河驟然長水至七八尺不等據卑州浮河舖鄉地郭恒三稟報王御史莊汎地減河南岸於初二日夜漫溢一道約寬三丈餘又北岸寨裏莊汎地於初三日漫溢一道約寬三丈餘等情前來當經嚴飭各該村速急掛柳設法搶護刻期堵閉卑職復親詣各該漫口查驗實因水溜洶湧搶堵不及所致除由卑職督飭汎員調撥民夫多備物料趕緊設法堵築疏通積水毋使久淹爲患并履勘被水村莊田禾廬舍有無損傷另行稟辦外所有減河漫口現經搶堵緣由理合馳稟 大人查核

督憲端 批據稟該州六月二十八九等日運河水勢陡長堤岸危險照章啓壩放水初二日夜王御史莊汎地減河南岸漫口一道北岸寨裏莊汎地於初三日漫口一道均寬三丈餘該州并管河風化店巡檢唐鴻鈞防護不力應各記大過一次候行藩司查照註冊飭知仰仍督飭汎員調集民夫尅日搶堵完固一面將積水設法疏通以免久淹爲患被水村莊已否成災并由州逐細勘明妥議稟辦仍錄報道府查照此繳

浙藩移請各道會議各州縣勻定公費文

爲移會事宜統元年六月十三日奉 撫憲增批會稽縣中書科中書銜陶驥稟陳清理各州縣財政綱要由奉

批稟摺均悉查各屬征糧章程收錢收洋參差各異其間輾轉繞算任意抑勒弊竇多端不勝枚舉書吏藉以朦混習爲故常外縣因而侵欺視爲應得積重難返害將不可勝言亟應設法整理以示大公原摺先擬劃一征價酌留經費保爲正本清源之計錢漕南米等項平餘悉數提歸公用而另給經費以資辦公事屬正辦惟征收銀米時銀價有增減之不同米價亦漲落之無定歲計兩項能否併提洋一百四十萬元尙難預操勝算實有把握至勻給道府州縣公費以資開銷一節整頓吏治必以此爲入手方法蜀西等省行之已收實效本部院亦早經籌議及此急待仿行然非逐細調查通盤籌畫無以定繁簡而酌盈虛攤捐款項開報給發一節查前奉

上諭有人奏請豁

免州縣攤款等語各省攤款一項實足爲地方官之累著各督撫查明道府各衙門攤捐款項分別是否重要政務必需之款應否裁除詳晰妥酌奏明辦理等因經札藩司分移欽遵辦理在案該職所擬有無可採應由司悉心核議詳辦凡屬一切新政均爲近今切要之圖各屬有限於經費支絀款無可籌因畏難而事敷衍因敷衍而成粉飾亦有苛刻從事搜括靡遺民力幾何其曷能支本部院心焉憫之故每於籌捐稟牘必再三酌覈始准批行查國家行政及地方行政所需經費各國原係分別籌辦擬自監理財政官到浙會商參酌辦理至於州縣陋規悉充公用委員川薪酌定優給應俟調查確切次第實行惟據稟各節改革伊始必須詳加考察方足以昭慎重自應由各該道府廳州縣商同幕僚各抒所見將摺開各條是否可行逐細簽註明白擬議詳辦以期有利無弊仰候札飭布政司核明分別移行妥訂章程議詳察奪毋延原摺抄發等因並據該職員稟同前情到司奉據此查清理財政必從州縣入手清州縣之財政必自定公費入手近人言之屢矣察閱條陳首請改征價爲洋碼所論不爲無見比年以來多有以此爲請卒以銀洋市值各處不同聚訟紛紜迄無成議浙省地漕征價自光緒二十三年憚前升司通飭核減雖各邑多寡不同而賦額最重之杭嘉湖三屬除安吉孝豐二縣外大率每兩折征錢二千數十文至二千一二百文爲止其有不足二千者浙東各屬賦額較輕征價各因其缺分酌定自一千九百數十文至二千一二百文二千四五百文爲止其中以溫處爲多然處屬之松遂龍慶景宣六縣向收洋元自一元七角另至二元一角二分不等綜核常年地漕鹽課米折並存留約征之數當不過二百五十萬兩來摺謂征價率勻約二千三百文征數達三百萬兩殊未確實誠如憲示銀價有增減之不同米價亦漲落之無定能否提足一百四十萬元實難操券

惟當此改章之始考核不厭精詳所議各條究竟有無可採如何從長籌議確切調查爲勻定公費之預備應即由各該府督飭所屬各廳州縣會同地方紳董調查明白和盤托出通籌全局逐條妥議具覆總以切實可行以憑核辦奉批前因除批示並通飭外合就抄粘移會爲此合移貴道請煩查照希即籌議見覆會核詳辦望速施行須至移者

### 文告錄要

督憲批示錄要○第二鎮統制官馬龍標稟請發款添置木馬槽及兵棚條凳由 批據稟已悉該鎮所請添置木

馬槽及兵棚條凳應即照准所需工料價銀二千四百三十七兩有奇候抄摺札飭糧餉局查照核發繳摺存

藩台批示○深澤縣孀婦張張氏呈 批爾祖所遺地畝既據控縣訊明公產屬實該縣何以並不查追地契當堂

藩台批示○深澤縣孀婦張張氏呈 批爾祖所遺地畝既據控縣訊明公產屬實該縣何以並不查追地契當堂

照股均分妥確呈情如果非虛審斷殊未切實惟詞出一面究竟張士林於未訟以前有無先行變賣既訟之後

有無措契不給情事殊難憑信候札飭該縣秉公覆訊結案詳覆爾即回籍備質弗逗遛○藁城縣民人楊文同

呈 批爾被楊計成侵賣之地既據控府批由該縣飭差協同村正副鄉地等排丈明確照數撥還是此案業已

秉公斷結不得謂該縣有始無終乃爾並不遵照縣斷息訟前據呈控業經本司明晰駁飭此次仍敢來轅贅瀆

實屬刁健可恨著速回籍安度毋再多瀆致干提懲○任邱縣民人劉殿勛呈 批據呈如果屬實謝朝宗等殊

屬膽玩惟詞出一面恐難憑信候札飭河間府迅速委員前往會同該縣確查嚴訊究辦如虛坐誣

直隸法律學堂牌示○照得丙班官費生第一學期考試其分數九十分以上之王廷弼趙孟熊二人均派爲班長

每月加給津貼銀一兩其八十五分以上之杜啓成滕紹烈徐成柱周鉅安杜常立李長瀚李潤蘭林樹榛張聚

慶等九人均獎給應用經濟學一本其八十分以上之王慶麟朱景雲廖允祚李希曾王振疆羅瑜許文泉田國

棟郭蓮舫史祐基杜衡董繼舒李振旌袁金錫宋德炎李蓬芳馮冰願聚棠張增純許鴻慈孫功潤等二十一人

均獎給日本行政各機關一本凡期考給與贈品均臨時斟酌情形辦理非著爲成例該生等其皆勉旃以副厚

望切切此示○又牌示 照得丙班自費生第一學期考試其分數在八十五分以上之王丕祖李楓林趙錦文

望切切此示○又牌示 照得丙班自費生第一學期考試其分數在八十五分以上之王丕祖李楓林趙錦文

楊紀瑞雷開祥等五人均免交三個月學費其八十分以上之安鳳威閻煥文周懷琛鄧濟光么光第李維恒薛毓祥王履占李開祥劉毓璋高廷彥戴守訓齊文錦曾廣俊耿蔭周朱近思張如萑劉廣德陳憲章梁煜任守恭梁廷勛刁振鵬陳寶田李雲興等二十五人均免交兩個月學費以示鼓勵此係斟酌本堂現在情形辦理非著爲成例該生等皆宜努力嚮學本堂有厚望焉切切此示

附錄天津官事○督憲札委候補道李觀察振鵬會辦行營營務處差○督憲於二十七日接見法國提督貝蘭泉君參謀官德蘭君隨員雷安國君武參贊伯利索君○同日接見留學日本畢業生三十一名

### 電報錄要

路透電○土耳其內閣現在議定修築巴克達德鐵路經過阿力山德達海口并穿過柱拉司山此段工程不日先行開辦

又電○俄京消息俄國海軍部擬添造潛水魚雷艇多艘載重一千五百噸以便加增波羅的海及太平洋艦隊之勢力

又電○美洲中央洪都拉斯國電云洪都拉斯政府與美國駐洪公使莫爾甘氏商議借美國之款以償還舊日國債聞此事美政府已經認可

又電○英國議院提議擬知照商部以強迫手段使航行各處之輪船均須添設無線電以便消息靈通使航務益形發達

又電○西班牙駐紮摩洛哥國米利拉地方兵隊現在三路進兵攻擊摩人聞該處摩人均往深山避匿

紐約電○日本久邇親王不日即由英國乘坐輪船喀曼尼亞號航抵紐約現美國官民預備歡迎聞久邇氏擬陪觀赫德森地方舉行紀念會

### 新政紀聞

政治

飭設巡警教練所○順天府凌大京兆日前札飭所屬各州縣籌設巡警教練所招募巡警入所練習並限於秋節

前一律設齊云

電請專寄議員照會○浙省各府議員已先後到齊日前會議以湯蟄仙廉訪為紹府公舉會由紹守備就照會送杭湯因路事力辭不就眾以廉訪為一省人望路事固殷而諮議局事當開幕尤關重要且照章會議僅四十日並顧兼籌本無不可除同人聯名函請擔任外特電致紹府蕭守再將執照專寄招待所必期得請而後已云

變通籌辦自治事宜○江西諮議局籌辦處以地方自治非研究有素不能勝任因於省中設立自治研究所由各屬保送學員從事講習惟畢業之期在明年五月若俟畢業後始行辦理調查選舉各事必致時日稽延有誤民政部考核之期查 民政部奏定分年籌備事宜單開宣統元年指定各省繁盛城鎮地方督催籌設議事會董事會宣統二年考核上年指定各城鎮議事會董事會辦理成績等語是考核之期轉瞬即屆現擬變通籌辦以城為先鎮鄉為後省城議事會董事會限明年五月成立各廳州縣限七月成立以為鄉鎮之表率俟研究所各員畢業之後再以前之辦理鎮鄉調查選舉事宜統限於宣統三年十二月自治事宜一並成立庶於循序漸進之中仍不失急起直追之意刻已編定期限清單一體頒行矣

學務

游美學生攷試揭曉○游美學務處於二十二十一兩日在學部攷試國文英文本國歷史地理等科刻已於二十四日發榜共取六十八名凡經取錄者均於二十五日早赴部候攷茲將全榜錄下 裴昌運 王璉 魏文彬

唐悅良 嚴家駒 謝兆基 邱培涵 李平 李鳴辭 徐承宗 李進隆 方仁裕 陳樸 張廷金

梅貽琦 蔣學清 王長平 曾昭權 何杰 汪懋祖 金邦正 邢莘 林廷錕 王士杰 賀標慶 張

準 戴濟 章鴻逵 戴修駒 鄒應歡 張鴻仁 何寶書 黃道隆 袁鍾銓 陸寶淦 蔡麟書 程義

法 朱復 張福良 鄒煦坐 王健 周維華 王仁輔 吳玉麟 羅惠倫 程義藻 高崙瑾 陳槐

楊永言 張元凱 張清澄 振頤盧 景泰 金濤 陳慶堯 吳清度 范永增 汪文綸 秉志 徐佩

璜 司徒衍 朱維傑 陳世貞 張惠常 張天祥 胡剛復 鍾家驥 宗鴻年又於二十五日起至二十

九日止五日間分別攷試物理化學博物代數幾何三角外國代史外國近世史外國地理學諸科凡前經取列

均行赴攷其未取者勿庸應攷

湘學批駁習字新書○湖南武陵勸學小學堂教習張建中著有習字新書以爲教授小學之用前已稟呈提學司請予鑒定奉批稟書均悉講求書法本吾華之特色非歐美所有其研究之要素自以明摹碑版爲唯一無二之法門魏晉之鍾王唐之歐虞褚薛李徐顏柳宋之蘇黃米蔡元明之趙董所存碑刻任取一家專精習之皆足自立傳授有訣書譜猶存學古編墨池編諸書記之詳矣固不必仿歐美教授之法別撰一書以爲圭臬也然十齡以下之童子實未能驟語高深祇宜以正點畫明字義爲主故部頒初等小學習字帖不別編教授法明其不允編也雜取眼前事物以示之取其爲兒童所共知將範之以國民故不用碑版而以心理相灌輸也法良意美必宜遵守無俟他求已茲察閱所書正氣歌字雖勻淨然較之部頒習字帖其工拙已不相侔至所撰教授法草案字句尤多不妥或併書畫爲一談或臆撰名詞以爲說既不師古復不宜今駕繡未諳金鍼誰度不如專用部頒習字帖之爲恪遵功令也仰卽遵照不必梓行此批書發還

### 軍政

建築砲台飭購士敏土○江督張安帥近據廣東蔣學使式芬劉觀察瑞麟來電以南洋開辦要塞工程建築砲台如需士敏土請向粵廠購用安帥據此一面電覆一面札飭要塞工程局遵照

混成協軍樂隊成立○浙省新軍本年添練混成一協軍樂應設半隊已由楊協統出示在城招募於前月三十日在協部考取三十四名在案茲查二標一營駐紮萬松嶺敷文書院內只有一隊尙有餘屋可屯軍樂半隊特飭蕭管帶及軍樂隊隊官馮恩吉籌備一切已於十一日起一律入營學習矣

陸軍設立兵目學堂○鄂督陳小帥以湖北陸軍各營兵目均僅能略識字義多未知讀書故不能通曉兵法現擬就各營內每隊設立兵目學堂一所卽以木隊隊官充當教習講演各種兵法以資練習茲特札飭張統制會同督練公所妥議一切章程詳細具覆以憑核辦

鄂督籌撥海軍經費○鄂督陳小帥現准度支部電內開籌辦海軍約需開辦經費一千八百萬兩常年經費二百萬兩業經海軍大臣奏准飭度支部設法籌撥並飭各省督撫協同籌畫相應電請查照等因小帥當卽分

飭北布政司鹽法道江漢宜昌兩關道善後統捐兩局遵照體察鄂省財力情形會同通盤籌畫迅速酌核議詳以憑電復

民 事

民部催報各省警政○民政部各堂以各州縣舉辦警察爲本年應籌之要政乃各省奏報開辦者甚屬寥寥特電催各省從速舉辦并將現時實在辦法報部以重警察而符定章

電請停辦鄂省糶米○湖北米價騰貴小民日食維艱曾經鄂督飭司局籌銀十萬兩派員分赴皖贛湘三省採購米穀運鄂平糶茲聞已購運一萬石分三批陸續運鄂刻下贛紳亦因該省近來米糧異常昂貴因是懇請贛撫於七月初一日一律禁止出口以顧贛省民食日昨贛撫據情電商鄂督請飭停止云

實 業

勸業所辦事各員名單○浙省勸業道署其附設之勸業公所所有辦事各員現經董觀察委定如下 總務科科

長知府桂站副科長知縣強運開編制科科員縣丞梁秉書文牘科科員鹽大使楊慶生會計科科員直州判蔣

志培典史金秉彝 農務科科長日本高等農科畢業生林炳副科長訓導吳槐綬正科員鹽大使吳雁聲副科

員鹽大使榮棣源 工藝科正科長內閣中書許炳堃副科長知縣李孝先正科員縣丞余夢齡副科員知縣朱

蒼許 商務科科長日本高等商科畢業生陳訓旭副科長知縣沈家熙正科員縣丞汪鐘業副科員未詳 礦

務科科長同知陳鼎副科長工藝科長代正科員鹽大使顏本敦副科員測繪畢業生劉世思 郵傳科科長知

府陳大鵬副科長從九鄭衡正科員中書吳善寶副科員鹽大使石紹文 收發科知縣朱其選

實業官報將行試辦○湘紳陶君祐曾吳君劍豐曾君慶榜黃君錫倫等一再稟院請辦實業官報奉批以該職等

迫不及待著即自行經理飭由司道會核飭遵在案旋據提學司勸業道會同核議具覆昨又奉批轉飭自行試

辦現已由吳學使照會該紳等查照施行矣並聞該報每月出版二期專載農工商礦各項事實以爲提倡實業

之用已有各學堂教員願盡義務擔任調查報告之責云

第八章 懲罰

第一條 不守校規有害風教者當依其重輕而懲罰之

第二條 分罰科爲戒飭停學除名三種

第九章 試驗及進級

第一條 將該學期中所修之學科於每學期之終了時試驗之

第二條 學年之全成績依學期試驗之成績定之

第三條 試驗之全成績平均滿一百點者爲最優等八十點者爲優等六十點以上者爲中等不滿六十點者爲

不列等

第四條 以不得已事故或患病不克出席受試驗者須將此由詳記託保人署名於未試驗前送呈校中可待將

來補考

第五條 全校學課修了後須施行卒業試驗

第十章 卒業

第一條 受卒業試驗而列等者當給以卒業文憑以證之

第二條 卒業試驗期自六月朔日起至八月晦日止

第十一章 學費

第一條 每學年六十兩分左之二期分納

第一期 三十兩自八月朔日至同月十日

第二期 三十兩自二月朔日至同月十日

世界教育公會公啓並簡章

教育者非一國家之私事實全世界之公事也近代文化日趨大同國家主義馴變爲世界主義舉凡政治實業學術技藝多各有萬國聯合之公會專門教育其規制方法亦大致從同至有兩國交換教師數國共立一校者蓋企

望平和必務爲心理的解決而先從教育上著手否則徒囂囂焉言弭兵言國際裁判猶之無濟也中國學務漸見改良願疏略之點尙甚多則研究之事不容緩或封於故步或囿於一隅或宵轍而絕馳或望洋而空歎其他國代謀者立教宗則流爲迷信憑國力則嫌似殖民意雖美而法不盡良利未宏而害已先見人心猜忌邦交動搖懲前車愆後轍鄙人等竊有願焉破除成見竭盡愚忱聯學界之同心結私人之團體發起世界教育公會以研究世界教育理法爲主要宗旨以提倡中國教育事業爲附屬宗旨不談宗教不涉政事不分國界不立會長天下一家大公無我布東亞平和之種子樹全球統一之先聲此誠根本之圖亦實切要之計也謹此通告附呈簡章

宗旨 研究世界教育理法爲體提倡中國教育事業爲用

性質 教育界個人團體不談宗教不涉政事不分國界不立會長

會員 代表人由各該國會員自相選舉人數視其國會員數制定初辦一年暫由發起人充之

會員 凡教育界同志無論現居何地由本人請願經各該國代表之一人保證者皆得充之

會費 會員每人總費銀貨五元月費銀貨一元

會期 代表人會期每月一次(陽歷每月末星期四日午後五時)全會員會期每半年一次月日未定

會場 代表人會場假地北京馬市東廠胡同良氏餘園全會員會場未定

交通部 凡他國人來中國考查教育情形者本會爲之介紹與以便宜有何評論亦由本會轉達

凡中國人赴他國考查教育情形及游學生本會爲之介紹與以便宜

凡他國學堂願請中國教員中國學堂願請他國教員或他國人願充中國學堂教員中國人願充他國學堂教

員本會爲之介紹保證

與各國教育會聯絡機關

凡公私教育團體有急需調查之事件或難得解決之問題本會可爲之調查或解決

討論部 議案 本會議案由代表之一人或會員十人以上提議代表人多數決議

論著 凡會員論著經代表人多數認可者由本會宣布



圖 山 湯 西 京

**藥到回春**

頭痛虛弱而獲全愈漢口某君深感韋廉士大醫生紅色補丸之功效洪君珙如浙之甯波人也年二十有四歲今在漢口華寶公司營生本局代表人嘗至其處得聆其自述之詞如左云○余曩歲曾患血薄氣虧身衰體弱等症計閱數月之久因身體如此軟弱幾至不能行走少一動作便覺乏力又兼頭痛如劈骨瘦似柴面容憔悴毫無血色彼時適在上海永大錢莊為業身居要職責無旁貸奈因衰弱之故常致未能盡職屢欲告假臥輒數日雖延名醫診治並服中外各藥迄無效驗正在困苦失望之時幸遇申友勸服韋廉士大醫生紅色補丸余即從而服之數瓶以後便覺少愈其奏功之神速有令余不得不耐心再服者余甚樂告知自得此丸之後莫不旋服旋愈真有藥到春回之樂焉無何頭痛頓止面容豐滿氣色光艷身壯力健無異舊時每日辦公雖至煩劇不覺其勞此皆韋廉士大醫生紅色補丸之功也其有益於余身者豈淺鮮哉○韋廉士大醫生紅色補丸能使洪君珙如身體復原有力量者乃與以鮮紅稠濃之新血以補其全身也是丸常以此力經過血中屢治一切肝

漢口洪君珙如玉照



疥疔疹 皮膚各症 發熱病後 虛百損 腦筋衰弱 少年虧喪 山林瘴氣 風溼骨痛 腎軟痠痛 諸  
 中天下馳名誠為婦科之聖藥凡男子因吸鴉片或因他故操勞過度居處不潔以致身體受損者一服是丸奏效如神韋廉士大醫生紅色補丸絕無嗎啡鴉片以及有害雜質在內是以男女老幼皆可服之虞無也 中國各處商店藥局凡經售西藥之處均有代售或直向上海九江路B字第八號 韋廉士大醫生藥局總發行處購買亦可 價銀每六瓶英洋八元每一瓶英洋一元五角遠近郵費一律不取

**上海九江路B字第八號韋廉士大醫生藥局啟**

**京奉鐵路總局廣告**  
 本局現奉 郵傳部札開本部統轄全國路政所在需員鐵路管理人才尤為缺乏非亟宏造就不足以重路政而策羣才現京師設立鐵路管理傳習所所以專造鐵路人才為宗旨三年畢業後分派各處練習遞升要職等因奉此本局現定於八月十七日考試所有報名各生自八月初一日起投赴本局報名填冊至初八日截止屆時從嚴甄錄不限額數以及格為准考各生限九月初間一齊到京所有招考章程十四條及三年功課表列後仰投考諸生一律遵照特佈  
 郵傳部鐵路管理傳習所招生章程十四條  
 京奉鐵路局啟

一須身家清白年紀在十八歲以上二十五歲以下一入學程度一英文會讀四年以上者二英文論說最  
 注重三英文譯漢四漢文譯英五口授英文講義筆錄六普通輿地七學算至週年子息法為止  
 八代數至雙位方程式為止九國文能作三四百字清通者除國文外全用英文考試一考取入堂全  
 用英文教授兼習法文或德文三年畢業一報名考試在京取具同鄉官印結在外取具殷實鋪戶蓋戳  
 取學生由官醫細驗身體強壯無疾病者一入堂時各覓保人填注保結本生自具志願書一通存案方准入堂  
 取學生一學生畢業後派各路練習按照年勞遞升如有私就別差應行追繳三年內學費責成保人擔認繳清  
 取學生如有程度較優足以選入第二級者准其呈請考試第一級各科學報名時聲明試及格即作為  
 報考二年級學生惟人數須在四十名以上方能開班一法文學生到京時先由堂備客棧暫住供給飯食一月以  
 概由該學生自理領用一入堂後不收宿舍不備飯食其考及一切雜用品均由堂備客棧暫住供給飯食一月以  
 堂備辦該生繳價領用一入堂後不收宿舍不備飯食其考及一切雜用品均由堂備客棧暫住供給飯食一月以  
 各埠考取各生呈具保單一學生應慧嗜學程度及格願專習鐵路機械建築者可轉送唐山路礦學堂肄業均由  
 酌給書籍儀器等獎品以示鼓勵

三年功課表

第一年	前期	後期	第二年	前期	後期	第三年	前期	後期
代數	代數	平面幾何	平面幾何	立體幾何	平面三角	平面三角	平面三角	平面三角
物理	物理	地質學	地質學	地質學	鐵路轉運經濟	鐵路轉運經濟	鐵路轉運經濟	鐵路轉運經濟
化學	化學	力學	力學	力學	機車概要	機車概要	機車概要	機車概要
理財	理財	鐵路理財	鐵路理財	鐵路理財	電機概要	電機概要	電機概要	電機概要
中國地理	中國地理	石工學	石工學	石工學	材料力學	材料力學	材料力學	材料力學
英文	英文	行車管理	行車管理	行車管理	平面測量	平面測量	平面測量	平面測量
國文	國文	英文	英文	英文	中國鐵路歷史	中國鐵路歷史	中國鐵路歷史	中國鐵路歷史
繪圖	繪圖	工程概要	工程概要	工程概要	英文	英文	英文	英文
法文	法文	法文	法文	法文	工廠管理	工廠管理	工廠管理	工廠管理
		國文	國文	國文	練習各種公牘	練習各種公牘	練習各種公牘	練習各種公牘





# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

## 本局告白刊例

登一日者每字取洋五釐 三日四釐 七日三釐 十五日二釐 一月一釐 半年二釐 長年一釐 以上均按四號字起碼加寬行數照所佔面積計算 登錄商標刻工另議 三號字加半倍 二號字加一倍

## 天津銀號廣告

本銀號代辦直隸公債所有本年宣統元年二月初一日四月初一日六月初一日第九年第一第二第三三期應付本利銀兩即係原訂光緒三十五年期滿給還本利之期凡天津暨各府廳州縣各籌款分局核取本利銀兩且期滿之七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請督憲照奏准章程通飭各屬不准留難需索務即持票兌取現銀毋得自誤再如有以前到期未經支取各票本利銀兩亦可至原借各處驗票續發特此佈告

## 工商演說廣告

啓者八月初三日晚八鐘至十一鐘仍在東馬路宣講所內演說工商各項要理並請何子琴先生演說機器論馬力之理由李子鶴先生演說商業競爭宋則久先生演說南洋勸業會與工商之關係務希各工商屆時惠臨入聽不取分文特此佈告 天津勸工陳列所謹啓

天津商務總會代收甘肅賑款昨匯公砵化寶銀五千兩移解賑撫局轉解災區散放矣

天津救急善會具

# 北洋法政學堂專門學堂招考中學學生廣告

本堂擬添設中學班遵照學部中學堂分科章程專設文科一類為法政專門之豫備畢業後直接升入本堂正科不得轉學他處茲定於九月初一日招考先期自七月二十日開始報名至八月二十五日截止凡有志諸生查照左列各要件屆期來堂報名為幸

課程 (照中學堂文科課程辦理惟外國語一科以日語為主英語為輔)

獎勵 (畢業後照中學堂章程請獎正科畢業後照高等學堂章程請獎) 宿舍 (概由學堂豫備)

年齡 (十五歲以上二十二歲以下) 年限 (照中學堂章程五年畢業升入正科後二年畢業) 學膳宿費 (每月共六圓) 入學資格 (中文通順曾在高等小學堂肄業二年以上者)

## 勸賑開災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會霽礪伯及各土司又先後報災邊地高寒水泉素乏童山彌望生植不饒一遇旱乾即成凶殍現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃竄糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難徧給非再有巨款接濟何能救此哀鴻夫天災流行國家代有救災恤患義不容辭況甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民請命敬懇 仁人君子慨然解囊量力輸助以便彙寄該省活此窮黎庶幾上愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上愛朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店  
天津獅子林北洋官報總局

## 恤隣廣告

敬告者現值兩湖吉林各省被水成災居民田廬牲畜冲沒殆盡其情慘不忍聞亟應勸辦義賑以資協濟如蒙諸大善長概捐賑款請送至北馬路商務總會掣取收據以便彙解災區散放拯救災黎不勝盼切之至此佈

天津救急善會具